

(<https://news.usm.my>)

Berita Mutakhir ▾

25 NOV MAHASISWA ASET PENTING PEMBANGUNAN NEGARA



PULAU PINANG, 25 November 2017 – Mahasiswa universiti adalah pemangkin dan aset yang penting kepada pembangunan negara bagi meneruskan legasi kepimpinan negara pada masa hadapan.

Itu harapan Pemangku Naib Canselor Universiti Sains Malaysia (USM), merangkap Lettenan Kolonel Kehormat Pasukan Simpanan Sukarelawan Tentera Udara Diraja Malaysia, Prof. Dato' Dr. Adnan Hussein untuk melihat mahasiswa USM terus ke hadapan dan menjadi pelapis kepimpinan buat negara.



"Dalam melahirkan seorang pemimpin yang berkualiti, ilmu pengetahuan merupakan aspek yang penting dalam menjadikan mahasiswa itu berketerampilan dan disegani. Di samping itu, mahasiswa juga perlu seimbang dari aspek jasmani, emosi, rohani, intelek dan sosial," katanya ketika hadir merasmikan Hari Perbarisan Pembukaan Latihan Badan Beruniform Sidang Akademik 2017/2018 di Padang Kawad, USM.

Tegasnya, atas sebab itulah selain kecemerlangan akademik, penyertaan aktiviti kokurikulum badan-badan unit beruniform amat membantu mahasiswa memenuhi aspek tersebut.



"Universiti menyediakan pelbagai aktiviti kokurikulum kepada mahasiswa supaya mereka merasai peluang berinteraksi di samping meningkatkan pelbagai kemahiran seperti kemahiran berkomunikasi, kerja berpasukan, pemikiran kritis dan bijak menyelesaikan masalah."

Adnan turut diberi penghormatan melakukan pemeriksaan perbarisan di hadapan 300 orang kontinjen badan-badan beruniform.

Tambahnya lagi, penglibatan mahasiswa dalam aktiviti kokurikulum juga boleh dijadikan wadah untuk memperkuuhkan semangat perpaduan dalam kalangan pelajar berbilang kaum.

Majlis turut diserikan dengan persembahan patriotik mahasiswa-mahasiswa dari gabungan badan beruniform SISPA dan SUKSIS.



Turut hadir adalah Pengarah Pusat Rancangan Kokurikulum USM, Prof. Madya Dr. Ahmad Tajuddin Othman; Pengarah Pusat Pembangunan Sahsiah Pelajar, HEPA USM, Dr. Nazarudin Zainun; Timbalan Komandan Palapes Darat USM, Leftenan Kolonel Shahrizal Nazri dan Penyelaras Pusat Rancangan Kokurikulum, Kampus Kejuruteraan USM, Dr. Mohd Salman Abu Mansor.

Teks: Mohd Azrul Mohd Azhar



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>)

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015